

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

Naalakkersuisunut apeqquutit:

1. **Maannakkorpiaq pisortat inissiaataanniit inuit ilaqtariillu qanoq amerlatigisut inigisaminniit anisitaasimappat ?**
2. **Inuit qulaani taaneqartut inigisaminniit anisitaasussatut nalunaarsorneqarsimasut qanoq amerlatigippat ?**
3. **A/S INI ineqarnermut akiliisitsisarnissamut periusissaa nutaaq Naalakkersuisuniit qanoq malinnaaffigineqarpat ?**
4. **Apeqquut 3-imi inigisamut akiliisarnissamut periusissaaq iluatsissanngippat Naalakkersuisut suut pilersaarutitut A-tut B-tullu pilersaarutigaaat ?**
5. **Pisortat inissiaataanniit anisitsisarneq Naalakkersuisunit ataavartumik malinnaaffigineqarpaa ?**
6. **Inuppassuit ilaqtariippassuillu taama amerlatigisut inigisaminniit anisitaasimasut maannakkut sumi najungaqarpat qanorlu inuttut ingerlaqqeriarnermanni malinnaaffigineqarpat ?**
7. **Ilaqtariit inigisaminniit anisitaasimasut katillugit qassinik meerartaqarpat ? – taakkulu qanoq ikiorniarneqarmat ?/malinnaaffigineqarpaat ?**

(Inatsisartunut ilaasortaq, Anthon Frederiksen, Partii Naleraq)

Tunnngavilersuut:

Ukioq kingulleq § 37-ikut Naalakkersuisunut apeqquteqarninni ilaatigut paasitinneqarpunga inuit ilaqtariillu 194-it piffissami 2006-2014-imut anisitaasimasut aammalu inuit ilaqtariillu 398-it A/S INI-miit anisitaasussatut nalunaarsorneqarsimasut.

Inuit ilaqtariillu taama amerlatigisut inigisaminniit anisitaasimasut anisitaasussatullu nalunaarsorneqarsimasut taama amerlatigisut malinnaaffiginissaat pisariaqartoq Partii Naleqqamiit isumaqarpugut, pingaartumnik ilaqtariit meerartallit aamma eqqarsaatigalugit.

Taamaammat assut soqutingaarput paasissallugu ukioq apeqquteqaatinni paasissutissat ullumikkumut qanoq isikkoqalersimanersut aamma pissutsit taamaattut ataatsimut isigalugu

inuiaqatigiinnut qanoq sunniteqarnersut, tassami inuiaqatigiinni suliffissaaleqineq, imigassamik ikiaroorartumik aningaasanoormik, meeqqanik inuusuttuaqqanillu sumiginnaanerpit taama annertutigitillugu toqqissisimanartumik ineqarnissaq assorujussuaq pingaaruteqartoq pisariaqarlunnartorlu Partii Naleqqamiit isumaqaratta apeqqutit qulaani taaneqartut siusinnerusukkut apeqqutigineqareersunut tapiliussatut ingerlateqqippavut.

Ullut suliffiit qulit qaangiutinnginnerani akineqarnissara kissaatingaara.